

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2007 ԹՎԱԿԱՆԻ
ԱՊՐԻԼԻ 12-Ի N 453-Ն ՈՐՈՇՄԱՆ ՄԵՋ ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆ
ԿԱՏԱՐԵԼՈՒ ՄԱՍԻՆ

Հայաստանի Հանրապետության կառավարությունը **ո թ ո շ ու մ է.**

1. Հայաստանի Հանրապետության կառավարության 2007 թվականի ապրիլի 12-ի «Պրոթեզաօրթոպեդիկ պարագաների, վերականգնման տեխնիկական և այլ օժանդակ միջոցների տրամադրման կարգը, պրոթեզաօրթոպեդիկ պարագաների, վերականգնման տեխնիկական և այլ օժանդակ միջոցների օգտագործման ժամկետները հաստատելու և Հայաստանի Հանրապետության կառավարության 2003 թվականի դեկտեմբերի 24-ի N 1780-Ն որոշումն ուժը կորցրած ճանաչելու մասին» N 453-Ն որոշման մեջ կատարել հետևյալ լրացումները և փոփոխությունը՝

1) որոշման N 1 հավելվածը 20-րդ կետից հետո լրացնել հետևյալ բովանդակությամբ նոր՝ 20.1-ին, 20.2-րդ, 20.3-րդ և 20.4-րդ կետերով.

«20.1. Եվրոպական արտադրության թվային և անալոգային լսողական սարքերը պետական հավաստագրերի հիման վրա տրամադրվում են Հայաստանի Հանրապետության աշխատանքի և սոցիալական հարցերի նախարարի կողմից սահմանված լսողական խնդիրներ ունեցող անձանց տարիքային խմբերին:

20.2. Պետական հավաստագիրը տրամադրվում է Հայաստանի Հանրապետության աշխատանքի և սոցիալական հարցերի նախարարության կողմից՝ բժշկական օգնության և սպասարկման քիթ-կոկորդ-ականջաքանակային գործունեության լիցենզիա և աուդիոմետրիա իրականացնելու և (կամ) կազմակերպելու հնարավորություն ունեցող բժշկական կազմակերպությունների եզրակացության հիման վրա:

20.3. Պետական հավաստագրի հիման վրա լտղական սարքեր տրամադրվում են մրցութային կարգով ընտրված այն կազմակերպությունների կողմից, որոնք Հայաստանի Հանրապետության աշխատանքի և սոցիալական հարցերի նախարարության հետ կնքել են պետական հավաստագրի հիման վրա լտղական սարքեր տրամադրելու մասին պայմանագրեր: Մրցույթի անցկացման կարգը և պայմանները սահմանում է Հայաստանի Հանրապետության աշխատանքի և սոցիալական հարցերի նախարարը:

20.4. Պետական հավաստագիրը լտղության խնդիր ունեցող անձին տրամադրվում է լտղական սարքի օգտագործման համար սույն կարգով սահմանված ժամկետը լրանալուց հետո:».

2) որոշման N 2 հավելվածի 7-րդ կետի 5.1-ին ենթակետը շարադրել հետևյալ խմբագրությամբ.

«

5.1.	Եվրոպական արտադրության թվային և անալոգային լտղական սարքեր	հինգ տարի
------	---	-----------

 »:

2. Սահմանել, որ պետական հավաստագրերի հիման վրա լտղական սարքերը կտրամադրվեն մինչև սույն որոշումն ուժի մեջ մտնելը ձեռք բերված լտղական սարքերի սպառումից հետո:

3. Հայաստանի Հանրապետության աշխատանքի և սոցիալական հարցերի նախարարին՝ սույն որոշումն ուժի մեջ մտնելուց հետո եռամսյա ժամկետում Հայաստանի Հանրապետության կառավարության հաստատմանը ներկայացնել լտղական սարքերի տրամադրման պետական հավաստագրերի ձևերը, գնային արժեքներն ու տրամադրման կարգը:

4. Սույն որոշումն ուժի մեջ է մտնում պաշտոնական հրապարակմանը հաջորդող օրվանից: